

ॐ नमः परमात्मने, श्री महागणपतये नमः, श्री गुरुभ्यो नमः
हरिः ॐ

2.1 द्वितीयकाण्डे प्रथमः प्रश्नः - पशुविधान

Contents

2.1 द्वितीयकाण्डे प्रथमः प्रश्नः - पशुविधानं

1

ॐ नमः परमात्मने, श्री महागणपतये नमः, श्री गुरुभ्यो नमः हरिः ॐ

2.1 द्वितीयकाण्डे प्रथमः प्रश्नः - पशुविधानं

2.1 द्वितीयकाण्डे प्रथमः प्रश्नः - पशुविधानं

TS 2.1.1.1

वा॒य॒व्य॑म् । श्वे॒तम् । ए॒ति॑ । ल॒भे॒त् । भू॒ति॑का॒म् इति॑ भू॒ति॑-का॒म् । वा॒युः । वै । क्षे॒पि॑ष्ठा । दे॒वता॑ । वा॒युम् । ए॒व । स्वे॒न॑ । भा॒ग॒धे॒ये॒ने॒ति॑ भा॒ग - धे॒ये॒न॑ । उ॒पे॒ति॑ । धा॒व॒ति॑ । सः । ए॒व । ए॒न॒म् । भू॒ति॑म् । ग॒म॒य॒ति॑ । भ॒व॑ति॑ । ए॒व । अ॒ति॑क्षि॒प्रे॒त्य॒ति॑ - क्षि॒प्रा॑ । दे॒वता॑ । इति॑ । आ॒हुः । सा । ए॒न॒म् । ई॒श्व॒रा॑ । प्र॒द॒ह॒ इति॑ प्र-द॒हः॑ । इति॑ । ए॒त॒म् । ए॒व । स॒न्त॑म् । वा॒य॒वै॑ । नि॒यु॒त्वं॒त॒ इति॑ नि-यु॒त्वं॒ते॑ । ए॒ति॑ । ल॒भे॒त् । नि॒यु॒दि॒ति॑ नि - यु॒त् । वै । अ॒स्य॑ । धृ॒तिः॑ । धृ॒तः॑ । ए॒व । भू॒ति॑म् । उ॒पे॒ति॑ । ए॒ति॑ । अ॒प्र॒दा॒हा॒ये॒त्य॒प्र॑ - दा॒हा॒य॑ । भ॒व॑ति॑ । ए॒व । 1

TS 2.1.1.2

वा॒य॒वै॑ । नि॒यु॒त्वं॒त॒ इति॑ नि - यु॒त्वं॒ते॑ । ए॒ति॑ । ल॒भे॒त् । ग्रा॒म॑का॒म् इति॑ ग्रा॒म - का॒म् । वा॒युः । वै । इ॒माः । प्र॒जा इति॑ प्र - जाः । न॒स्यो॒ता इति॑ न॒सि - ओ॒ताः । ने॒नी॒य॒ते॑ । वा॒युम् । ए॒व । नि॒यु॒त्वं॒न्त॒मि॒ति॑ नि-यु॒त्वं॒न्त॒म् । स्वे॒न॑ । भा॒ग॒धे॒ये॒ने॒ति॑ भा॒ग - धे॒ये॒न॑ । उ॒पे॒ति॑ । धा॒व॒ति॑ । सः । ए॒व । अ॒स्मै॑ । प्र॒जा इति॑ प्र - जाः । न॒स्यो॒ता इति॑ न॒सि - ओ॒ताः । नी॒ति॑ । य॒च्छ॒ति॑ । ग्रा॒मी॑ । ए॒व । भ॒व॒ति॑ । नि॒यु॒त्वं॒त॒ इति॑ नि-यु॒त्वं॒ते॑ । भ॒व॒ति॑ । ध्रु॒वाः । ए॒व । अ॒स्मै॑ । अ॒न॒प॒गा॑

इत्यनप - गाः । करोति । वायवै । नियुत्वंतु इति नि - युत्वंते । एति । लभेत । प्रजाकाम्
इति प्रजा - कामः । प्राण इति प्र- अनः । वै । वायुः । अपान इत्यप - अनः । नियुदिति
नि - युत् । प्राणापानाविति प्राण- अपानौ । खलु । वै । एतस्य । प्रजाया इति प्र - जायाः । 2

TS 2.1.1.3

अपेति । क्रामतुः । यः । अलम् । प्रजाया इति प्र - जायै । सन् । प्रजामिति प्र - जाम्
। न । विन्दते । वायुम् । एव । नियुत्वंन्तमिति नि - युत्वंन्तम् । स्वेन । भागधेयेनेति
भाग-धेयेन । उपेति । धावति । सः । एव । अस्मै । प्राणापानाभ्यामिति प्राण - अपाना-
भ्याम् । प्रजामिति प्र - जाम् । प्रेति । जनयति । विन्दते । प्रजामिति प्र - जाम् । वायवै ।
नियुत्वंतु इति नि-युत्वंते । एति । लभेत । ज्योगामयावीति ज्योक् - आमयावी । प्राण इति
प्र - अनः । वै । वायुः । अपान इत्यप - अनः । नियुदिति नि - युत् । प्राणापानाविति
प्राण-अपानौ । खलु । वै । एतस्मात् । अपेति । क्रामतुः । यस्य । ज्योक् । आमयति ।
वायुम् । एव । नियुत्वंन्तमिति नि - युत्वंन्तम् । स्वेन । भागधेयेनेति भाग-धेयेन । उपेति । 3

TS 2.1.1.4

धावति । सः । एव । अस्मिन् । प्राणापानाविति प्राण - अपानौ । दुधाति । उत । यदि ।
इतासुरितीत-असुः । भवति । जीवति । एव । प्रजापतिरिति प्रजा - पतिः । वै । इदम् ।
एकः । आसीत् । सः । अकामयत् । प्रजा इति प्र - जाः । पशून् । सृजेय । इति । सः
। आत्मनः । वपाम् । उदिति । अक्खिदत् । ताम् । अग्नौ । प्रेति । अगृह्णात् । ततः ।
अजः । तूपरः । समिति । अभवत् । तम् । स्वायै । देवतायै । एति । अलभत् । ततः
। वै । सः । प्रजा इति प्र - जाः । पशून् । असृजत् । यः । प्रजाकाम् इति प्रजा - कामः । 4

TS 2.1.1.5

पशुकाम् इति पशु - कामः । स्यात् । सः । एतम् । प्राजापत्यमिति प्राजा - पत्यम् । अजम्

। तूपरम् । एति । लभेत् । प्रजापतिमिति प्रजा - पतिम् । एव । स्वेन । भागधेयेनेति भाग - धेयेन । उपेति । धावति । सः । एव । अस्मै । प्रजामिति प्र-जाम् । पशून् । प्रेति । जनयति । यत् । श्मश्रुणः । तत् । पुरुषाणाम् । रूपम् । यत् । तूपरः । तत् । अश्वानाम् । यत् । अन्यतोदन्नित्यन्यतः - दुन्न । तत् । गवीम् । यत् । अव्याः । इव । शफाः । तत् । अवीनाम् । यत् । अजः । तत् । अजानाम् । एतावन्तः । वै । ग्राम्याः । पशवः । तान् । 5

TS 2.1.1.6

रूपेण । एव । अवेति । रुन्धे । सोमापौष्णमिति सोमा - पौष्णम् । त्रैतम् । एति । लभेत् । पशुकाम इति पशु - कामः । द्वौ । वै । अजायै । स्तनौ । नानौ । एव । द्वौ । अभीति । जायेते इति । ऊर्जम् । पुष्टिम् । तृतीयः । सोमापूषणाविति सोमा - पूषणौ । एव । स्वेन । भागधेयेनेति भाग - धेयेन । उपेति । धावति । तौ । एव । अस्मै । पशून् । प्रेति । जनयतः । सोमः । वै । रेतोधा इति रेतः - धाः । पूषा । पशूनाम् । प्रजनयितेति प्र-जनयिता । सोमः । एव । अस्मै । रेतः । दधाति । पूषा । पशून् । प्रेति । जनयति । औदुम्बरः । यूपः () । भवति । ऊर्क् । वै । उदुम्बरः । ऊर्क् । पशवः । ऊर्जा । एव । अस्मै । ऊर्जम् । पशून् । अवेति । रुन्धे ॥ 6

(अप्रदाहाय भवत्येव - प्रजाया - आमयति वायुमेव नियुत्वन्तः स्वेन भागधेयेनोप - प्रजाकम् - स्तान् - यूप - स्त्रयोदश च) (A1)

TS 2.1.2.1

प्रजापतिरिति प्रजा - पतिः । प्रजा इति प्र - जाः । असृजत् । ताः । अस्मात् । सृष्टाः । पराचीः । आयन्न । ताः । वरुणम् । अगच्छन् । ताः । अन्विति । ऐत् । ताः । पुनः । अयाचत् । ताः । अस्मै । न । पुनः । अददात् । सः । अब्रवीत् । वरम् । वृणीष्व । अथ । मे । पुनः । देहि । इति । तासाम् । वरम् । एति । अलभत् । सः । कृष्णः ।

एकंशितिपादित्येकं - शितिपात् । अभवत् । यः । वरुणगृहीत इति वरुण - गृहीतः । स्यात् । सः । एतम् । वारुणम् । कृष्णम् । एकंशितिपादमित्येकं - शितिपादम् । एति । लभेत् । वरुणम् । 7

TS 2.1.2.2

एव । स्वेन । भागधेयेनेति भाग - धेयेन । उपेति । धावति । सः । एव । एनम् । वरुणपाशादिति वरुण - पाशात् । मुञ्चति । कृष्णः । एकंशितिपादित्येकं - शितिपात् । भवति । वारुणः । हि । एषः । देवतया । समृद्ध्या इति सम् - ऋद्धयै । सुवर्भानुरिति सुवः - भानुः । आसुरः । सूर्यम् । तमसा । अविद्धयत् । तस्मै । देवाः । प्रायश्चित्तिम् । ऐच्छन् । तस्य । यत् । प्रथमम् । तमः । अपाघ्नन्नित्यप - अघ्नन् । सा । कृष्णा । अविः । अभवत् । यत् । द्वितीयम् । सा । फल्गुनी । यत् । तृतीयम् । सा । बलक्षी । यत् । अद्ध्यस्थादित्यधि - अस्थात् । अपाकृन्तन्नित्यप - अकृन्तन् । सा । अविः । वशा । 8

TS 2.1.2.3

समिति । अभवत् । ते । देवाः । अब्रुवन् । देवपशुरिति देव-पशुः । वै । अयम् । समिति । अभूत् । कस्मै । इमम् । एति । लप्स्यामहे । इति । अथ । वै । तरहि । अल्पा । पृथिवी । आसीत् । अजाताः । ओषधयः । ताम् । अविम् । वशाम् । आदित्येभ्यः । कामाय । एति । अलभन्त । ततः । वै । अप्रथत । पृथिवी । अजायन्त । ओषधयः । यः । कामयेत । प्रथेय । पशुभिरिति पशु - भिः । प्रेति । प्रजयेति प्र - जया । जायेय । इति । सः । एताम् । अविम् । वशाम् । आदित्येभ्यः । कामाय । 9

TS 2.1.2.4

एति । लभेत् । आदित्यान् । एव । कामम् । स्वेन । भागधेयेनेति भाग - धेयेन । उपेति । धावति । ते । एव । एनम् । प्रथयन्ति । पशुभिरिति पशु - भिः । प्रेति । प्रजयेति प्र - जया

। ज॒न॒य॒न्ति॒ । अ॒सौ । आ॒दि॒त्यः । न । वी॒तिं । अ॒रो॒च॒त॒ । तस्मै॑ । दे॒वाः । प्रा॒यश्चि॑त्तिम् ।
 ऐ॒च्छ॒न् । तस्मै॑ । ए॒ताः । म॒ल॒हाः । ए॒तिं । अ॒ल॒भ॒न्त॒ । आ॒ग्ने॒यीम् । कृ॒ष्ण॒ग्री॒वीमि॑तिं कृ॒ष्ण
 - ग्री॒वीम् । स॒हि॒तामि॑तिं सं - हि॒ताम् । ऐ॒न्द्रीम् । श्वे॒ताम् । बा॒र॒ह॒स्प॒त्याम् । ताभिः॑ । ए॒व
 । अ॒स्मि॒न् । रु॒च॑म् । अ॒द॒धुः । यः । ब्र॒ह्म॒व॒र्च॒स॒का॑म् इति ब्रह्मवर्चस - का॒म् । स्यात् ।
 तस्मै॑ । ए॒ताः । म॒ल॒हाः । ए॒तिं । ल॒भे॒त॒ । 10

TS 2.1.2.5

आ॒ग्ने॒यीम् । कृ॒ष्ण॒ग्री॒वीमि॑तिं कृ॒ष्ण - ग्री॒वीम् । स॒हि॒तामि॑तिं सं - हि॒ताम् । ऐ॒न्द्रीम् । श्वे॒ताम्
 । बा॒र॒ह॒स्प॒त्याम् । ए॒ताः । ए॒व । दे॒वताः॑ । स्वे॒न । भा॒ग॒धे॒ये॒नेति॑ भा॒ग॒धे॒ये॒न । उ॒पे॒तिं ।
 धा॒व॒ति॒ । ताः । ए॒व । अ॒स्मि॒न् । ब्र॒ह्म॒व॒र्च॒स॒मि॑तिं ब्रह्म - वर्च॒सम् । द॒ध॒ति॒ । ब्र॒ह्म॒व॒र्च॒सी॑तिं ब्रह्म
 - वर्च॒सी । ए॒व । भ॒व॒ति॒ । व॒स॒न्ता॑ । प्रा॒तः । आ॒ग्ने॒यीम् । कृ॒ष्ण॒ग्री॒वीमि॑तिं कृ॒ष्ण - ग्री॒वीम्
 । ए॒तिं । ल॒भे॒त॒ । ग्री॒ष्मे । म॒द्भ्य॒न्दि॒ने । स॒हि॒तामि॑तिं सं - हि॒ताम् । ऐ॒न्द्रीम् । श॒रदि॑ ।
 अ॒प॒रा॒ह॒ इत्य॑पर - अ॒हे । श्वे॒ताम् । बा॒र॒ह॒स्प॒त्याम् । त्री॒णि । वै । आ॒दि॒त्यस्य॑ । ते॒जाश्सि॑
 । व॒स॒न्ता॑ । प्रा॒तः । ग्री॒ष्मे । म॒द्भ्य॒न्दि॒ने । श॒रदि॑ । अ॒प॒रा॒ह॒ इत्य॑पर - अ॒हे । या॒व॑न्ति ।
 ए॒व । ते॒जाश्सि॑ । ता॒नि । ए॒व । 11

TS 2.1.2.6

अ॒वे॒तिं । रु॒न्धे । स॒व॒त्स॒रमि॑तिं सं - व॒त्स॒रम् । प॒र्या॒ल॒भ्य॒न्त॒ इति॑ परि - आ॒ल॒भ्य॒न्ते । स॒व॒त्स॒र
 इति॑ सं-व॒त्स॒रः । वै । ब्र॒ह्म॒व॒र्च॒स॒स्ये॑तिं ब्रह्म - वर्च॒सस्य॑ । प्र॒दा॒ते॒तिं प्र - दा॒ता । स॒व॒त्स॒र इति॑
 सं - व॒त्स॒रः । ए॒व । अ॒स्मै । ब्र॒ह्म॒व॒र्च॒स॒मि॑तिं ब्रह्म - वर्च॒सम् । प्रे॒तिं । य॒च्छ॒ति॒ । ब्र॒ह्म॒व॒र्च॒सी॑तिं
 ब्रह्म - वर्च॒सी । ए॒व । भ॒व॒ति॒ । ग॒र्भि॒ण॑यः । भ॒व॒न्ति॒ । इ॒न्द्रि॒यम् । वै । ग॒र्भः । इ॒न्द्रि॒यम् ।
 ए॒व । अ॒स्मि॒न् । द॒ध॒ति॒ । सा॒र॒स्व॒तीम् । मे॒षीम् । ए॒तिं । ल॒भे॒त॒ । यः । ई॒श्वरः॑ । वा॒चः
 । व॒दि॒तोः । स॒न् । वा॒च॑म् । न । व॒दे॒त् । वाक् । वै । सर॑स्वती । सर॑स्वतीम् । ए॒व ।
 स्वे॒न । भा॒ग॒धे॒ये॒नेति॑ भा॒ग॒धे॒ये॒न । उ॒पे॒तिं । धा॒व॒ति॒ । सा । ए॒व । अ॒स्मि॒न् । 12

TS 2.1.2.7

वाच॑म् । दु॒धा॒ति॒ । प्र॒व॒दि॒तेति॑ प्र - व॒दि॒ता । वा॒चः । भ॒व॒ति॒ । अप॑न्नदुतीत्यप॑न्न - दु॒ती । भ॒व॒ति॒ । तस्मा॑त् । म॒नु॒ष्याः । सर्वा॑म् । वाच॑म् । व॒द॒न्ति॒ । आ॒ग्ने॒यम् । कृ॒ष्ण॒ग्री॒व॒मिति॑ कृ॒ष्ण॒-ग्री॒वम् । एति॑ । ल॒भेत् । सौ॒म्यम् । ब॒भ्रुम् । ज्यो॒गा॒मया॒वीति॑ ज्योक् - आ॒मया॒वी । अ॒ग्निम् । वै । ए॒तस्य॑ । शरी॑रम् । गृ॒च्छ॒ति॒ । सोम॑म् । रसः॑ । यस्य॑ । ज्योक् । आ॒मय॑ति । अ॒ग्नेः । ए॒व । अ॒स्य॒ । शरी॑रम् । नि॒ष्क्री॒णातीति॑ निः - क्री॒णाति॑ । सोमा॑त् । रस॑म् । उ॒त । यदि॑ । इ॒तासु॑रिती॒त - अ॒सुः । भ॒व॒ति॒ । जी॒व॒ति॒ । ए॒व । सौ॒म्यम् । ब॒भ्रुम् । एति॑ । ल॒भेत् । आ॒ग्ने॒यम् । कृ॒ष्ण॒ग्री॒व॒मिति॑ कृ॒ष्ण॒-ग्री॒वम् । प्र॒जाका॑म् इति॑ प्र॒जा - का॑म् । सोमः॑ । 13

TS 2.1.2.8

वै । रे॒तो॒धा इति॑ रे॒तः - धाः । अ॒ग्निः । प्र॒जा॒ना॒मिति॑ प्र - जा॒नाम् । प्र॒ज॒न॒यि॒तेति॑ प्र॒ज॒न॒यि॒ता । सोमः॑ । ए॒व । अ॒स्मै । रे॒तः । द॒धा॒ति॒ । अ॒ग्निः । प्र॒जा॒मिति॑ प्र॒जा॒म् । प्रेति॑ । ज॒न॒य॒ति॒ । वि॒न्द॒ते । प्र॒जा॒मिति॑ प्र॒जा॒म् । आ॒ग्ने॒यम् । कृ॒ष्ण॒ग्री॒व॒मिति॑ कृ॒ष्ण॒-ग्री॒वम् । एति॑ । ल॒भेत् । सौ॒म्यम् । ब॒भ्रुम् । यः । ब्रा॒ह्म॒णः । वि॒द्याम् । अ॒नू॒च्ये॒त्यनु॑ - उ॒च्यं । न । वि॒रो॒चे॒तेति॑ वि - रो॒चे॒त । यत् । आ॒ग्ने॒यः । भ॒व॒ति॒ । तेजः॑ । ए॒व । अ॒स्मि॒न् । तेन॑ । दु॒धा॒ति॒ । यत् । सौ॒म्यः । ब्र॒ह्म॒व॒र्च॒समिति॑ ब्र॒ह्म॒-व॒र्च॒सम् । तेन॑ । कृ॒ष्ण॒ग्री॒व॒ इति॑ कृ॒ष्ण॒-ग्री॒वः । आ॒ग्ने॒यः । भ॒व॒ति॒ । तमः॑ । ए॒व । अ॒स्मा॒त् । अपेति॑ । ह॒न्ति॒ । श्वे॒तः । भ॒व॒ति॒ । 14

TS 2.1.2.9

रुच॑म् । ए॒व । अ॒स्मि॒न् । दु॒धा॒ति॒ । ब॒भ्रुः । सौ॒म्यः । भ॒व॒ति॒ । ब्र॒ह्म॒व॒र्च॒समिति॑ ब्र॒ह्म॒-व॒र्च॒सम् । ए॒व । अ॒स्मि॒न् । त्वि॒षि॑म् । दु॒धा॒ति॒ । आ॒ग्ने॒यम् । कृ॒ष्ण॒ग्री॒व॒मिति॑ कृ॒ष्ण॒-ग्री॒वम् । एति॑ । ल॒भेत् । सौ॒म्यम् । ब॒भ्रुम् । आ॒ग्ने॒यम् । कृ॒ष्ण॒ग्री॒व॒मिति॑ कृ॒ष्ण॒-ग्री॒वम् । पु॒रो॒धाया॑मिति॑ पु॒रः - धाया॑म् । स्प॒र्द्ध॑मानः । आ॒ग्ने॒यः । वै । ब्रा॒ह्म॒णः । सौ॒म्यः । रा॒ज॒न्यः ।

अ॒भितः । सौ॒म्यम् । आ॒ग्ने॒यौ । भ॒वतः । तेज॑सा । ए॒व । ब्र॒ह्म॑णा । उ॒भय॑तः । रा॒ष्ट्रम् ।
परी॑ति । गृ॒ह्णा॒ति । ए॒क॒धे॒त्ये॒क - धा । स॒मावृ॑ङ्क्ते इति सं - आवृ॑ङ्क्ते । पु॒रः । ए॒नम् । दु॒ध॒ते ॥ 15

(ल॒भे॒तु वरु॑णं - वृ॒शै - ताम॑विं वृ॒शामा॑दित्येभ्यः कामा॑य - म॒ल्हा आ ल॑भे॒तु - तान्ये॒व -
सै॒वास्मि॑न्ध - सोमः - स्वे॒तो भ॑वति - त्रिच॑त्वारि॒ंश॒श्च) (A2)

TS 2.1.3.1

दे॒वा॒सुरा॑ इति दे॒व - अ॒सुराः । ए॒षु । लो॒केषु॑ । अ॒स्प॒र्द्ध॒न्त । सः । ए॒तम् । वि॒ष्णुः । वा॒म॒नम्
। अ॒प॒श्य॒त् । तम् । स्वा॒यै । दे॒वता॑यै । ए॒ति । अ॒ल॒भ॒त । ततः॑ । वै । सः । इ॒मान् ।
लो॒कान् । अ॒भी॒ति । अ॒ज॒य॒त् । वै॒ष्ण॒वम् । वा॒म॒नम् । ए॒ति । ल॒भे॒तु । स्प॒र्द्ध॒मानः । वि॒ष्णुः
। ए॒व । भू॒त्वा । इ॒मान् । लो॒कान् । अ॒भी॒ति । ज॒य॒ति । वि॒ष॒म॒ इति॑ वि - स॒मे । ए॒ति ।
ल॒भे॒तु । वि॒ष॒मा॒ इति॑ वि - स॒माः । इ॒व । हि । इ॒मे । लो॒काः । स॒मृ॒द्ध्या॒ इति॑ सं - ऋ॒द्ध्यै
। इन्द्रा॑य । म॒न्यु॒म॒त॒ इति॑ म॒न्यु - म॒त॒ । म॒न॒स्व॒ते । ल॒लाम॑म् । प्रा॒शृ॒ङ्गम् । ए॒ति । ल॒भे॒तु ।
स॒ङ्गाम॑ इति सं - ग्रा॒मे । 16

TS 2.1.3.2

सँय॑त्त॒ इति॑ सं - य॒त्ते । इन्द्रि॑येण । वै । म॒न्यु॒नां । म॒न॒सा । स॒ङ्गाम॑मिति सं - ग्रा॒मम् ।
ज॒य॒ति । इन्द्र॑म् । ए॒व । म॒न्यु॒म॒न्त॒मिति॑ म॒न्यु - म॒न्त॑म् । म॒न॒स्व॒न्तम् । स्वे॒न । भा॒ग॒धे॒ये॒नेति॑
भा॒ग - धे॒ये॒न । उ॒पे॒ति । धा॒व॒ति । सः । ए॒व । अ॒स्मि॒न् । इन्द्रि॑यम् । म॒न्युम् । म॒नः ।
दु॒धा॒ति । ज॒य॒ति । तम् । स॒ङ्गाम॑मिति सं - ग्रा॒मम् । इन्द्रा॑य । म॒रु॒त्वं॒ते । पृ॒श्नि॒सु॒क्थ॑मिति
पृ॒श्नि - सु॒क्थ॑म् । ए॒ति । ल॒भे॒तु । ग्रा॒म॒काम॑ इति ग्रा॒म - का॒मः । इन्द्र॑म् । ए॒व । म॒रु॒त्वं॒न्तम्
। स्वे॒न । भा॒ग॒धे॒ये॒नेति॑ भा॒ग - धे॒ये॒न । उ॒पे॒ति । धा॒व॒ति । सः । ए॒व । अ॒स्मै । स॒जा॒-
ता॒निति॑ स - जा॒तान् । प्रे॒ति । य॒च्छ॒ति । ग्रा॒मी । ए॒व । भ॒व॒ति । यत् । ऋ॒ष॒भः । ते॒न । 17

TS 2.1.3.3

ऐन्द्रः । यत् । पृश्निः । तेन । मारुतः । समृद्ध्या इति सं-ऋद्धयै । पश्चात् । पृश्निसक्थ इति
 पृश्नि - सक्थः । भवति । पश्चादन्ववसायिनीमिति पश्चात् - अन्ववसायिनीम् । एव । अस्मै ।
 विशम् । करोति । सौम्यम् । बभ्रुम् । एति । लभेत् । अन्नकाम् इत्यन्न - कामः । सौम्यम्
 । वै । अन्नम् । सोमम् । एव । स्वेन । भागधेयेनेति भाग - धेयेन । उपेति । धावति ।
 सः । एव । अस्मै । अन्नम् । प्रेति । यच्छति । अन्नाद इत्यन्न - अदः । एव । भवति ।
 बभ्रुः । भवति । एतत् । वै । अन्नस्य । रूपम् । समृद्ध्या इति सं - ऋद्धयै । सौम्यम् ।
 बभ्रुम् । एति । लभेत् । यम् । अलम् । 18

TS 2.1.3.4

राज्याय । सन्तम् । राज्यम् । न । उपनमेदित्युप-नमेत् । सौम्यम् । वै । राज्यम् । सोमम्
 । एव । स्वेन । भागधेयेनेति भाग - धेयेन । उपेति । धावति । सः । एव । अस्मै ।
 राज्यम् । प्रेति । यच्छति । उपेति । एनम् । राज्यम् । नमति । बभ्रुः । भवति । एतत्
 । वै । सोमस्य । रूपम् । समृद्ध्या इति सं - ऋद्धयै । इन्द्राय । वृत्रतुर इति वृत्र - तुरे ।
 ललामम् । प्राशृङ्गम् । एति । लभेत् । गुतश्रीरिति गुत - श्रीः । प्रतिष्ठाकाम् इति प्रतिष्ठा -
 कामः । पाप्मानम् । एव । वृत्रम् । तीर्त्वा । प्रतिष्ठामिति प्रति - स्थाम् । गच्छति । इन्द्राय
 । अभिमातिघ्न इत्यभिमाति - घ्ने । ललामम् । प्राशृङ्गम् । एति । 19

TS 2.1.3.5

लभेत् । यः । पाप्मना । गृहीतः । स्यात् । पाप्मा । वै । अभिमातिरित्यभि - मातिः ।
 इन्द्रम् । एव । अभिमातिहनमित्यभिमाति - हनम् । स्वेन । भागधेयेनेति भाग - धेयेन ।
 उपेति । धावति । सः । एव । अस्मात् । पाप्मानम् । अभिमातिमित्यभि - मातिम् । प्रेति ।
 नुदुते । इन्द्राय । वज्रिणै । ललामम् । प्राशृङ्गम् । एति । लभेत् । यम् । अलम् । राज्याय
 । सन्तम् । राज्यम् । न । उपनमेदित्युप - नमेत् । इन्द्रम् । एव । वज्रिणम् । स्वेन ।

भा॒ग॒धे॒ये॒ने॒ति॒ भा॒ग - धे॒ये॒न । उ॒पे॒ति॒ । धा॒व॒ति॒ । सः । ए॒व । अ॒स्मै । व॒ज्र॑म् । प्रे॒ति॒ । य॒च्छ॑ति॒ ।
 । सः । ए॒न॒म् () । व॒ज्रः । भू॒त्यै । इ॒न्धे । उ॒पे॒ति॒ । ए॒न॒म् । रा॒ज्य॑म् । न॒म॒ति॒ । ल॒-
 ला॒मः । प्रा॒शृ॒ङ्गः । भ॒व॒ति॒ । ए॒तत् । वै । व॒ज्र॑स्य । रू॒पम् । स॒मृ॒द्ध्या॒ इति॒ सं - ऋ॒द्ध्यै ॥ 20

(स॒ग्रा॒मे - ते॒ना - लं - म॒भि॒मा॒ति॒घ्ने ल॒ला॒मं प्रा॒शृ॒ङ्ग॒मै - नं - प॒ञ्च॑द॒श च) (A3)

TS 2.1.4.1

अ॒सौ । आ॒दि॒त्यः । न । वी॒ति॒ । अ॒रो॒च॒त् । त॒स्मै । दे॒वाः । प्रा॒यश्चि॑त्ति॒म् । ऐ॒च्छ॑न् । त॒स्मै ।
 । ए॒ताम् । द॒शर॑ष॒भा॒मि॒ति॒ द॒श - ऋ॒ष॒भा॒म् । ए॒ति॒ । अ॒ल॒भ॒न्त॒ । तया॑ । ए॒व । अ॒स्मि॒न् ।
 रु॒च॑म् । अ॒दु॒धुः । यः । ब्र॒ह्म॒व॒र्च॒स॒का॒म् इति॑ ब्र॒ह्म॒व॒र्च॒स - का॒म् । स्या॒त् । त॒स्मै । ए॒ताम् ।
 । द॒शर॑ष॒भा॒मि॒ति॒ द॒श - ऋ॒ष॒भा॒म् । ए॒ति॒ । ल॒भे॒त् । अ॒मु॒म् । ए॒व । आ॒दि॒त्यम् । स्वे॒न ।
 भा॒ग॒धे॒ये॒ने॒ति॒ भा॒ग - धे॒ये॒न । उ॒पे॒ति॒ । धा॒व॒ति॒ । सः । ए॒व । अ॒स्मि॒न् । ब्र॒ह्म॒व॒र्च॒स॒मि॒ति॒ ब्र॒ह्म
 - व॒र्च॒सम् । दु॒धा॒ति॒ । ब्र॒ह्म॒व॒र्च॒सी॒ति॒ ब्र॒ह्म - व॒र्च॒सी । ए॒व । भ॒व॒ति॒ । व॒स॒न्ता॑ । प्रा॒तः । त्री॒न्
 । ल॒ला॒मान् । ए॒ति॒ । ल॒भे॒त् । ग्री॒ष्मे । म॒द्ध्य॒न्दि॒ने । 21

TS 2.1.4.2

त्री॒न् । शि॒ति॒पृ॒ष्ठानि॑ति॒ शि॒ति - पृ॒ष्ठान् । श॒रदि॑ । अ॒प॒रा॒ह इत्य॑पर॒अ॒हे । त्री॒न् । शि॒ति॒वा॒रा॒नि॑ति॒
 शि॒ति - वा॒रान् । त्री॒णि॑ । वै । आ॒दि॒त्यस्य॑ । ते॒जा॒सि॑ । व॒स॒न्ता॑ । प्रा॒तः । ग्री॒ष्मे ।
 म॒द्ध्य॒न्दि॒ने । श॒रदि॑ । अ॒प॒रा॒ह इत्य॑पर॒अ॒हे । या॒व॑न्ति॒ । ए॒व । ते॒जा॒सि॑ । ता॒नि॑ । ए॒व ।
 अ॒वे॒ति॒ । रु॒न्धे । त्रय॑स्त्रय॒ इति॑ त्रयः-त्रयः । ए॒ति॒ । ल॒भ्य॑न्ते । अ॒भि॒पूर्व॑मि॒त्य॒भि - पू॒र्वम् । ए॒व ।
 । अ॒स्मि॒न् । तेजः॑ । दु॒धा॒ति॒ । स॒व॒त्स॒र॒मि॒ति॒ सं - व॒त्स॒र॒म् । प॒र्या॒ल॒भ्य॑न्त॒ इति॑ परि॒आ॒ल॒भ्य॑न्ते ।
 । स॒व॒त्स॒र॒ इति॑ सं - व॒त्स॒रः । वै । ब्र॒ह्म॒व॒र्च॒स॒स्ये॒ति॒ ब्र॒ह्म - व॒र्च॒स॒स्य॑ । प्र॒दा॒ते॒ति॒ प्र - दा॒ता ।
 स॒व॒त्स॒र॒ इति॑ सं - व॒त्स॒रः । ए॒व । अ॒स्मै । ब्र॒ह्म॒व॒र्च॒स॒मि॒ति॒ ब्र॒ह्म - व॒र्च॒स॒म् । प्रे॒ति॒ । य॒च्छ॑ति॒ ।
 । ब्र॒ह्म॒व॒र्च॒सी॒ति॒ ब्र॒ह्म - व॒र्च॒सी । ए॒व । भ॒व॒ति॒ । स॒व॒त्स॒र॒स्ये॒ति॒ सं - व॒त्स॒र॒स्य॑ । प॒र॒स्ता॑त् ।

प्राजापत्यमिति प्राजा - पत्यम् । कद्रुम् । 22

TS 2.1.4.3

एति । लभेत । प्रजापतिरिति प्राजा - पतिः । सर्वाः । देवताः । देवतासु । एव । प्रतीति । तिष्ठति । यदि । विभीयात् । दुश्चर्मैति दुः-चर्मा । भविष्यामि । इति । सोमापौष्णमिति सोमा - पौष्णम् । श्यामम् । एति । लभेत । सौम्यः । वै । देवतया । पुरुषः । पौष्णाः । पशवः । स्वया । एव । अस्मै । देवतया । पशुभिरिति पशु - भिः । त्वचम् । करोति । न । दुश्चर्मैति दुः - चर्मा । भवति । देवाः । च । वै । यमः । च । अस्मिन् । लोके । अस्पर्धन्त । सः । यमः । देवानाम् । इन्द्रियम् । वीर्यम् । अयुवत । तत् । यमस्य । 23

TS 2.1.4.4

यमत्वमिति यम - त्वम् । ते । देवाः । अमन्यन्त । यमः । वै । इदम् । अभूत् । यत् । वयम् । स्मः । इति । ते । प्रजापतिमिति प्राजा - पतिम् । उपेति । अधावन् । सः । एतौ । प्रजापतिरिति प्राजा - पतिः । आत्मनः । उक्षवशावित्युक्ष - वशौ । निरिति । अमिमीत् । ते । देवाः । वैष्णावरुणीमिति वैष्णा-वरुणीम् । वशाम् । एति । अलभन्त । ऐन्द्रम् । उक्षाणम् । तम् । वरुणेन । एव । ग्राहयित्वा । विष्णुना । यज्ञेन । प्रेति । अनुदन्त । ऐन्द्रेण । एव । अस्य । इन्द्रियम् । अवृञ्जत । यः । भ्रातृव्यवानिति भ्रातृव्य - वान् । स्यात् । सः । स्पद्धमानः । वैष्णावरुणीमिति वैष्णा - वरुणीम् । 24

TS 2.1.4.5

वशाम् । एति । लभेत । ऐन्द्रम् । उक्षाणम् । वरुणेन । एव । भ्रातृव्यम् । ग्राहयित्वा । विष्णुना । यज्ञेन । प्रेति । नुदते । ऐन्द्रेण । एव । अस्य । इन्द्रियम् । वृङ्क्ते । भवति । आत्मना । परेति । अस्य । भ्रातृव्यः । भवति । इन्द्रः । वृत्रम् । अहन् । तम् । वृत्रः । हतः । षोडशभिरिति षोडश - भिः । भोगैः । अस्मिन् । तस्य । वृत्रस्य । शीरुषतः ।

गावः । उदितिं । आयन् । ताः । वैदेह्यः । अभवन् । तासाम् । ऋषभः । जघने । अनु । उदितिं । ऐत् । तम् । इन्द्रः । 25

TS 2.1.4.6

अचायत् । सः । अमन्यत् । यः । वै । इमम् । आलभेतेत्यां - लभेत् । मुच्येत । अस्मात् । पाप्मनः । इति । सः । आग्नेयम् । कृष्णग्रीवमिति कृष्ण - ग्रीवम् । एति । अलभत् । ऐन्द्रम् । ऋषभम् । तस्य । अग्निः । एव । स्वेन । भागधेयेनेति भाग - धेयेन । उपसृत इत्युप - सृतः । षोडशधेति षोडश-धा । वृत्रस्य । भोगान् । अपीति । अदहत् । ऐन्द्रेण । इन्द्रियम् । आत्मन् । अधत् । यः । पाप्मना । गृहीतः । स्यात् । सः । आग्नेयम् । कृष्णग्रीवमिति कृष्ण - ग्रीवम् । एति । लभेत् । ऐन्द्रम् । ऋषभम् । अग्निः । एव । अस्य । स्वेन । भागधेयेनेति भाग - धेयेन । उपसृत इत्युप - सृतः । 26

TS 2.1.4.7

पाप्मानम् । अपीति । दुहति । ऐन्द्रेण । इन्द्रियम् । आत्मन् । धत्ते । मुच्यते । पाप्मनः । भवति । एव । द्यावापृथिव्यामिति द्यावा - पृथिव्याम् । धेनुम् । एति । लभेत् । ज्योगंपरुद्ध इति ज्योक् - अपरुद्धः । अनयोः । हि । वै । एषः । अप्रतिष्ठित इत्यप्रति - स्थितः । अथ । एषः । ज्योक् । अपरुद्ध इत्युप - रुद्धः । द्यावापृथिवी इति द्यावा - पृथिवी । एव । स्वेन । भागधेयेनेति भाग - धेयेन । उपेति । धावति । ते इति । एव । एनम् । प्रतिष्ठामिति प्रति - स्थाम् । गमयत् । प्रतीति । एव । तिष्ठति । पर्यारिणी । भवति । पर्यारि । इव । हि । एतस्य । राष्ट्रम् । यः । ज्योगंपरुद्ध इति ज्योक् - अपरुद्धः । समृद्ध्या इति सं - ऋद्धयै । वायव्यम् । 27

TS 2.1.4.8

वृथ्सम् । एति । लभेत् । वायुः । वै । अनयोः । वृथ्सः । इमे । वै । एतस्मै । लोकाः । अपशुष्का इत्युप - शुष्काः । विट् । अपशुष्केत्युप - शुष्का । अथ । एषः ।

ज्योक् । अप॑रुद्ध इत्य॑प - रुद्धः । वा॒युम् । ए॒व । स्वे॑न । भा॒ग॒धे॒ये॒नेति॑ भा॒ग - धे॒येन॑ ।
उ॒पेति॑ । धा॒व॒ति । सः । ए॒व । अ॒स्मै । इ॒मान् । लो॒कान् । वि॒शम् । प्रेति॑ । दा॒प॒य॒ति
। प्रेति॑ । अ॒स्मै । इ॒मे । लो॒काः । स्तु॒व॒न्ति । भु॒ञ्ज॒ती । ए॒नम् । विट् । उ॒पेति॑ । तिष्ठ॑ते ॥ 28

(म॒ध्य॒न्दि॒ने - क॒र्तु - य॒मस्य॑ - स्प॒र्द्ध॒मानो॑ वैष्णा॒वरू॒णीं - त॒मिन्द्रो॑ - ऽस्य॑ स्वे॑न भा॒ग॒धे॒ये॒नोप॑-
सृ॒तो - वा॒य॒व्य - द्वि॒च॒त्वारि॑श॒च्च) (A4)

TS 2.1.5.1

इन्द्रः । व॒ल॒स्यं । बि॒लम् । अ॒पेति॑ । औ॒र्णो॒त् । सः । यः । उ॒त्त॒म इत्यु॑त् - त॒मः । प॒शुः ।
आसी॑त् । तम् । पृ॒ष्ठम् । प्र॒तीति॑ । स॒गृ॒ह्येति॑ सं - गृ॒ह्यं । उ॒दि॒ति । अ॒क्वि॒दुत् । तम् । स॒हस्र॑म्
। प॒शवः॑ । अ॒नु । उ॒दि॒ति । आ॒य॒न् । सः । उ॒न्न॒त इत्यु॑त् - न॒तः । अ॒भ॒व॒त् । यः । प॒शुका॑म्
इति॑ प॒शु-का॑म् । स्यात् । सः । ए॒तम् । ऐ॒न्द्रम् । उ॒न्न॒तमि॒त्यु॑त्-न॒तम् । ए॒ति । ल॒भे॒त् ।
इन्द्र॑म् । ए॒व । स्वे॑न । भा॒ग॒धे॒ये॒नेति॑ भा॒ग - धे॒येन॑ । उ॒पेति॑ । धा॒व॒ति । सः । ए॒व । अ॒स्मै ।
प॒शून् । प्रेति॑ । य॒च्छ॒ति । प॒शु॒मा॒नि॒ति प॒शु - मा॒न् । ए॒व । भ॒व॒ति । उ॒न्न॒त इत्यु॑त् - न॒तः । 29

TS 2.1.5.2

भ॒व॒ति । सा॒ह॒स्री । वै । ए॒षा । ल॒क्ष्मी । यत् । उ॒न्न॒त इत्यु॑त् - न॒तः । ल॒क्ष्मि॒यां ।
ए॒व । प॒शून् । अ॒वेति॑ । रु॒न्धे । य॒दा । स॒हस्र॑म् । प॒शून् । प्रा॒प्नु॒या॒दि॒ति प्र - आ॒प्नु॒यात्
। अथ॑ । वैष्ण॑वम् । वा॒म॒नम् । ए॒ति । ल॒भे॒त् । ए॒तस्मि॑न् । वै । तत् । स॒हस्र॑म् ।
अ॒धीति॑ । अ॒तिष्ठ॑त् । तस्मा॑त् । ए॒षः । वा॒म॒नः । स॒मी॒षित॑ इति॑ सं - ई॒षितः॑ । प॒शुभ्य॑
इति॑ प॒शु - भ्यः॑ । ए॒व । प्र॒जा॒ते॒भ्य इति॑ प्र - जा॒ते॒भ्यः॑ । प्र॒तिष्ठा॑मिति॑ प्रति॑ - स्था॒म् । दु॒धा॒ति
। कः । अ॒रु॒ह॒ति । स॒हस्र॑म् । प॒शून् । प्रा॒प्नु॒मि॒ति प्र - आ॒प्नु॒म् । इति॑ । आ॒हुः । अ॒हो॒रा॒-
त्रा॒णीत्य॑हः - रा॒त्राणि॑ । ए॒व । स॒हस्र॑म् । स॒म्पा॒द्येति॑ सं - पा॒द्यं । ए॒ति । ल॒भे॒त् । प॒शवः॑ । 30

TS 2.1.5.3

वै । अ॒हो॒रा॒त्रा॒णी॒इत्य॑हः - रा॒त्रा॒णि । प॒शून् । ए॒व । प्र॒जा॒ता॒नि॒ति॒ प्र - जा॒ता॒न् । प्र॒ति॒ष्ठा॒मि॒ति॒
 प्रति - स्था॒म् । ग॒म॒य॒ति॒ । ओष॑धी॒भ्य॒ इत्योष॑धि - भ्यः । वे॒हत॑म् । ए॒ति॒ । ल॒भे॒त् । प्र॒जा॒का॒म्
 इति॑ प्र॒जा - का॒म् । ओष॑धयः । वै । ए॒त॒म् । प्र॒जा॒या॒ इति॑ प्र - जा॒यै । प॒री॒ति॒ । बा॒ध॒न्ते॒
 । यः । अ॒ल॑म् । प्र॒जा॒या॒ इति॑ प्र - जा॒यै । स॒न् । प्र॒जा॒मि॒ति॒ प्र-जा॒म् । न । वि॒न्द॒ते॒ ।
 ओष॑धयः । ख॒लु॒ । वै । ए॒त॒स्यै॑ । सू॒तु॒म् । अ॒पी॒ति॒ । घ्न॒न्ति॒ । या । वे॒ह॒त् । भ॒व॑ति
 । ओष॑धीः । ए॒व । स्वे॒न॑ । भा॒ग॒धे॒ये॒ने॒ति॑ भा॒ग - धे॒ये॒न॑ । उ॒पे॒ति॑ । धा॒व॒ति॒ । ताः । ए॒व
 । अ॒स्मै॑ । स्वा॒त् । यो॒नेः॑ । प्र॒जा॒मि॒ति॒ प्र - जा॒म् । प्रे॒ति॑ । ज॒न॒य॒न्ति॒ । वि॒न्द॒ते॒ । 31(50) 31

TS 2.1.5.4

प्र॒जा॒मि॒ति॒ प्र - जा॒म् । आ॒पः । वै । ओष॑धयः । अ॒स॒न् । पु॒रु॑षः । आ॒पः । ए॒व । अ॒स्मै॑
 । अ॒स॒न्तः । स॒त् । दु॒द॒ति॒ । त॒स्मा॑त् । आ॒हुः । यः । च॒ । ए॒व॒म् । वे॒द॑ । यः । च॒ ।
 न । आ॒पः । तु । वा॒व । अ॒स॒न्तः । स॒त् । दु॒द॒ति॒ । इति॑ । ऐ॒न्द्री॒म् । सू॒त॒वं॒शा॒मि॒ति॑ सू॒त
 - व॒शा॒म् । ए॒ति॑ । ल॒भे॒त् । भू॒ति॑का॒म् इति॑ भू॒ति॑ - का॒म् । अ॒जा॑तः । वै । ए॒षः । यः ।
 अ॒ल॑म् । भू॒त्यै॑ । स॒न् । भू॒ति॑म् । न । प्रा॒प्नो॒ती॒ति॑ प्र - आ॒प्नो॒ति॑ । इ॒न्द्र॑म् । ख॒लु॒ । वै ।
 ए॒षा । सू॒त्वा । व॒शा । अ॒भ॒व॒त् । 32

TS 2.1.5.5

इ॒न्द्र॑म् । ए॒व । स्वे॒न॑ । भा॒ग॒धे॒ये॒ने॒ति॑ भा॒ग - धे॒ये॒न॑ । उ॒पे॒ति॑ । धा॒व॒ति॒ । सः । ए॒व । ए॒न॒म्
 । भू॒ति॑म् । ग॒म॒य॒ति॒ । भ॒व॑ति॒ । ए॒व । य॒म् । सू॒त्वा । व॒शा । स्या॒त् । त॒म् । ऐ॒न्द्र॑म् ।
 ए॒व । ए॒ति॑ । ल॒भे॒त् । ए॒त॒त् । वा॒व । त॒त् । इ॒न्द्रि॒य॒म् । सा॒क्षा॒दि॒ति॑ स - अ॒क्षा॒त् । ए॒व ।
 इ॒न्द्रि॒य॒म् । अ॒वे॒ति॑ । रु॒न्धे॑ । ऐ॒न्द्रा॒ग्र॒मि॒त्यै॑न्द्र - अ॒ग्र॒म् । पु॒न॒रु॒थ्सृ॒ष्ट॒मि॒ति॑ पु॒नः - उ॒थ्सृ॒ष्ट॒म् ।
 ए॒ति॑ । ल॒भे॒त् । यः । ए॒ति॑ । तृ॒ती॒या॑त् । पु॒रु॑षा॒त् । सो॒म॑म् । न । पि॒बे॑त् । वि॒च्छि॑न्न॒ इति॑
 वि - छि॒न्नः । वै । ए॒त॒स्य॑ । सो॒म॒पी॒थ॒ इति॑ सो॒म - पी॒थः । यः । ब्रा॒ह्म॒णः । स॒न् । ए॒ति॑ । 33

TS 2.1.5.6

तृतीया॑त् । पुरु॑षात् । सोम॑म् । न । पिब॑न्ति । इन्द्रा॑ग्नी इतीन्द्र - अ॒ग्नी । ए॒व । स्वेन॑ ।
 भा॒ग॒धेये॑नेति॑ भा॒ग॒धेये॑न । उपेति॑ । धा॒वति॑ । तौ । ए॒व । अ॒स्मै । सोम॑पी॒थमि॑ति॑ सोम - पी॒थम् ।
 । प्रेति॑ । य॒च्छतुः॑ । उपेति॑ । ए॒नम् । सोम॑पी॒थ इति॑ सोम - पी॒थः । न॒मति॑ । यत् । ऐन्द्रः॑
 । भव॑न्ति । इन्द्रि॑यम् । वै । सोम॑पी॒थ इति॑ सोम-पी॒थः । इन्द्रि॑यम् । ए॒व । सोम॑पी॒थमि॑ति॑
 सोम - पी॒थम् । अवेति॑ । रु॒न्धे । यत् । आ॒ग्नेयः॑ । भव॑न्ति । आ॒ग्नेयः॑ । वै । ब्रा॒ह्मणः॑ ।
 स्वा॒म् । ए॒व । दे॒वता॑म् । अनु॑ । समि॑ति । त॒नोति॑ । पु॒नरु॑थ्सृष्ट इति॑ पुनः-उ॒थ्सृष्टः॑ । भ॒वति॑
 । पु॒नरु॑थ्सृष्ट इति॑ पुनः - उ॒थ्सृष्टः॑ । इ॒व । हि । ए॒तस्य॑ । 34

TS 2.1.5.7

सोम॑पी॒थ इति॑ सोम - पी॒थः । समृ॑द्ध्या इति॑ सं - ऋ॒द्धयै॑ । ब्रा॒ह्मण॑स्प॒त्यमि॑ति॑ ब्रा॒ह्मणः॑ - प॒त्यम् ।
 । तू॒परम् । एति॑ । ल॒भेत् । अ॒भिच॑रन्ति॒त्यभि॑ - च॒रन् । ब्रा॒ह्मणः॑ । प॒तिम् । ए॒व । स्वेन॑ ।
 भा॒ग॒धेये॑नेति॑ भा॒ग॒धेये॑न । उपेति॑ । धा॒वति॑ । त॒स्मै । ए॒व । ए॒नम् । एति॑ । वृ॒श्चति॑ ।
 ता॒जक् । आ॒र्तिम् । एति॑ । ऋ॒च्छति॑ । तू॒परः॑ । भ॒वति॑ । क्षु॒रप॑वि॒रिति॑ क्षु॒र - प॒विः । वै ।
 ए॒षा । ल॒क्ष्मी॑ । यत् । तू॒परः॑ । समृ॑द्ध्य इति॑ सं - ऋ॒द्धयै॑ । स्फ्यः॑ । यू॒पः । भ॒वति॑ ।
 व॒ज्रः । वै । स्फ्यः॑ । व॒ज्रम् । ए॒व । अ॒स्मै । प्रेति॑ । ह॒रति॑ । श॒रम॑यमि॒ति शर॑ - म॒यम् ।
 ब॒रु॒हिः । शृ॒णाति॑ । ए॒व । ए॒नम् । वैभी॑दकः । इ॒द्धम् । () । भि॒नत्ति॑ । ए॒व । ए॒नम् ॥ 35

(भवत्युन्नतः - पशवो - जनयन्ति विन्दते - ऽभवत् - सन्नै - तस्ये - ध्म - स्त्रीणि च) (A5)

TS 2.1.6.1

बा॒रु॒हस्प॑त्यम् । शि॒तिपृ॑ष्ठमि॒ति शि॒ति - पृ॑ष्ठम् । एति॑ । ल॒भेत् । ग्रा॒मका॑म् इति॑ ग्रा॒म - का॑म् ।
 । यः । का॒मये॑त् । पृ॑ष्ठम् । स॒मा॒नाना॑म् । स्या॒म् । इति॑ । बृ॒हस्प॑तिम् । ए॒व । स्वेन॑ ।

भा॒ग॒धे॒ये॒ने॒ति॑ भा॒ग - धे॒ये॒न । उ॒पे॒ति॑ । धा॒व॒ति॑ । सः । ए॒व । ए॒न॒म् । पृ॒ष्ठ॒म् । स॒मा॒ना॒ना॑म् ।
 क॒रो॒ति॑ । ग्रा॒मी । ए॒व । भ॒व॒ति॑ । शि॒ति॒पृ॒ष्ठ इति॑ शि॒ति - पृ॒ष्ठः । भ॒व॒ति॑ । बा॒रू॒ह॒स्प॒त्यः ।
 हि । ए॒षः । दे॒वत॑या । स॒मृ॒द्ध्या॒ इति॑ सं - ऋ॒द्ध्यै । पौ॒ष्ण॒म् । श्या॒म॒म् । ए॒ति॑ । ल॒भे॒त् ।
 अ॒न्न॑का॒म् इत्य॑न्न - का॒म् । अ॒न्नम् । वै । पू॒षा । पू॒षण॑म् । ए॒व । स्वे॒न । भा॒ग॒धे॒ये॒ने॒ति॑ भा॒ग
 - धे॒ये॒न । उ॒पे॒ति॑ । धा॒व॒ति॑ । सः । ए॒व । अ॒स्मै । 36

TS 2.1.6.2

अ॒न्नम् । प्रे॒ति॑ । य॒च्छ॒ति॑ । अ॒न्ना॒द इत्य॑न्न - अ॒दः । ए॒व । भ॒व॒ति॑ । श्या॒मः । भ॒व॒ति॑ । ए॒तत्
 । वै । अ॒न्न॑स्य । रू॒प॒म् । स॒मृ॒द्ध्या॒ इति॑ सं - ऋ॒द्ध्यै । मा॒रु॒त॒म् । पृ॒श्नि॑म् । ए॒ति॑ । ल॒भे॒त्
 । अ॒न्न॑का॒म् इत्य॑न्न - का॒म् । अ॒न्नम् । वै । म॒रु॒तः । म॒रु॒तः । ए॒व । स्वे॒न । भा॒ग॒धे॒ये॒ने॒ति॑
 भा॒ग - धे॒ये॒न । उ॒पे॒ति॑ । धा॒व॒ति॑ । ते । ए॒व । अ॒स्मै । अ॒न्नम् । प्रे॒ति॑ । य॒च्छ॒न्ति॑ । अ॒न्ना॒द
 इत्य॑न्न - अ॒दः । ए॒व । भ॒व॒ति॑ । पृ॒श्निः । भ॒व॒ति॑ । ए॒तत् । वै । अ॒न्न॑स्य । रू॒प॒म् । स॒मृ॒द्ध्या॒
 इति॑ सं - ऋ॒द्ध्यै । ऐ॒न्द्र॒म् । अ॒रु॒ण॒म् । ए॒ति॑ । ल॒भे॒त् । इ॒न्द्रि॒यका॑म् इती॒न्द्रि॒य - का॒म् ।
 इ॒न्द्र॒म् । ए॒व । 37

TS 2.1.6.3

स्वे॒न । भा॒ग॒धे॒ये॒ने॒ति॑ भा॒ग - धे॒ये॒न । उ॒पे॒ति॑ । धा॒व॒ति॑ । सः । ए॒व । अ॒स्मि॒न् । इ॒न्द्रि॒य॒म् ।
 दु॒धा॒ति॑ । इ॒न्द्रि॒या॒वी । ए॒व । भ॒व॒ति॑ । अ॒रु॒णः । भ्रू॒मा॒नि॒ति॑ भ्रू - मा॒न् । भ॒व॒ति॑ । ए॒तत् ।
 वै । इ॒न्द्र॑स्य । रू॒प॒म् । स॒मृ॒द्ध्या॒ इति॑ सं - ऋ॒द्ध्यै । सा॒वि॒त्र॒म् । उ॒प॒द्ध॒स्त॒मित्यु॑प - ध्व॒स्त॒म्
 । ए॒ति॑ । ल॒भे॒त् । स॒नि॒का॑म् इति॑ स॒नि - का॒म् । स॒वि॒ता । वै । प्र॒स॒वा॒ना॒मि॒ति॑ प्र॒स॒वा॒ना॑म्
 । ई॒शे । स॒वि॒ता॒र॑म् । ए॒व । स्वे॒न । भा॒ग॒धे॒ये॒ने॒ति॑ भा॒ग - धे॒ये॒न । उ॒पे॒ति॑ । धा॒व॒ति॑ ।
 सः । ए॒व । अ॒स्मै । स॒नि॒म् । प्रे॒ति॑ । सु॒व॒ति॑ । दा॒न॑का॒मा इति॑ दा॒न॑का॒माः । अ॒स्मै ।
 प्र॒जा इति॑ प्र॒जाः । भ॒व॒न्ति॑ । उ॒प॒द्ध॒स्त॒ इत्यु॑प - ध्व॒स्तः । भ॒व॒ति॑ । सा॒वि॒त्रः । हि । ए॒षः । 38

TS 2.1.6.4

देवतया । समृद्ध्या इति सं - ऋद्धयै । वैश्वदेवमिति वैश्व-देवम् । बहुरूपमिति बहु - रूपम् । एति । लभेत । अन्नकाम इत्यन्न - कामः । वैश्वदेवमिति वैश्व - देवम् । वै । अन्नम् । विश्वान् । एव । देवान् । स्वेन । भागधेयेनेति भाग-धेयेन । उपेति । धावति । ते । एव । अस्मै । अन्नम् । प्रेति । यच्छन्ति । अन्नाद इत्यन्न - अदः । एव । भवति । बहुरूप इति बहु-रूपः । भवति । बहुरूपमिति बहु - रूपम् । हि । अन्नम् । समृद्ध्या इति सं - ऋद्धयै । वैश्वदेवमिति वैश्व - देवम् । बहुरूपमिति बहु - रूपम् । एति । लभेत । ग्रामकाम इति ग्राम - कामः । वैश्वदेवा इति वैश्व - देवाः । वै । सजाता इति स - जाताः । विश्वान् । एव । देवान् । स्वेन । भागधेयेनेति भाग-धेयेन । उपेति । धावति । ते । एव । अस्मै । 39

TS 2.1.6.5

सजातानिति स-जातान् । प्रेति । यच्छन्ति । ग्रामी । एव । भवति । बहुरूप इति बहु - रूपः । भवति । बहुदेवत्य इति बहु-देवत्यः । हि । एषः । समृद्ध्या इति सं - ऋद्धयै । प्रजापत्यमिति प्राजा - पत्यम् । तूपरम् । एति । लभेत । यस्य । अनाज्ञातमित्यना - ज्ञातम् । इव । ज्योक् । आमयैत् । प्राजापत्य इति प्राजा - पत्यः । वै । पुरुषः । प्रजापतिरिति प्राजा - पतिः । खलु । वै । तस्य । वेदु । यस्य । अनाज्ञातमित्यना - ज्ञातम् । इव । ज्योक् । आमयति । प्रजापतिमिति प्राजा - पतिम् । एव । स्वेन । भागधेयेनेति भाग - धेयेन । उपेति । धावति । सः । एव । एनम् । तस्मात् । सामात् । मुञ्चति । तूपरः । भवति । प्राजापत्य इति प्राजा-पत्यः । हि () । एषः । देवतया । समृद्ध्या इति सं - ऋद्धयै ॥ 40

(अस्मा - इन्द्रमेवै - ष - संजाता विश्वानेव देवान् स्वेन भागधेयेनोप धावति त एवास्मै - प्राजापत्यो हि - त्रीणि च) (A6)

TS 2.1.7.1

वृषट्कार इति वषट् - कारः । वै । गायत्रियै । शिरः । अच्छिनत् । तस्यै । रसः । परेति । अपतत् । तम् । बृहस्पतिः । उपेति । अगृह्णात् । सा । शितिपृष्ठेति शिति - पृष्ठा । वशा । अभवत् । यः । द्वितीयः । परापतदिति परा - अपतत् । तम् । मित्रावरुणाविति मित्रा - वरुणौ । उपेति । अगृह्णीताम् । सा । द्विरूपेति द्वि - रूपा । वशा । अभवत् । यः । तृतीयः । परापतदिति परा - अपतत् । तम् । विश्वे । देवाः । उपेति । अगृह्णन् । सा । बहुरूपेति बहु - रूपा । वशा । अभवत् । यः । चतुर्थः । परापतदिति परा - अपतत् । सः । पृथिवीम् । प्रेति । अविशत् । तम् । बृहस्पतिः । अभीति । 41

TS 2.1.7.2

अगृह्णात् । अस्तु । एव । अयम् । भोगाय । इति । सः । उक्ष्वश इत्युक्ष - वशः । समिति । अभवत् । यत् । लोहितम् । परापतदिति परा - अपतत् । तत् । रुद्रः । उपेति । अगृह्णात् । सा । रौद्री । रोहिणी । वशा । अभवत् । बारुहस्पत्याम् । शितिपृष्ठामिति शिति - पृष्ठाम् । एति । लभेत् । ब्रह्मवर्चसकाम इति ब्रह्मवर्चस - कामः । बृहस्पतिम् । एव । स्वेन । भागधेयेनेति भाग - धेयेन । उपेति । धावति । सः । एव । अस्मिन् । ब्रह्मवर्चसमिति ब्रह्म - वर्चसम् । दुधाति । ब्रह्मवर्चसीति ब्रह्म - वर्चसी । एव । भवति । छन्दसाम् । वै । एषः । रसः । यत् । वशा । रसः । इव । खलु । 42

TS 2.1.7.3

वै । ब्रह्मवर्चसमिति ब्रह्म - वर्चसम् । छन्दसाम् । एव । रसेन । रसम् । ब्रह्मवर्चसमिति ब्रह्म - वर्चसम् । अवेति । रुन्धे । मैत्रावरुणीमिति मैत्रा - वरुणीम् । द्विरूपामिति द्वि - रूपाम् । एति । लभेत् । वृष्टिकाम इति वृष्टि - कामः । मैत्रम् । वै । अहः । वारुणी । रात्रिः । अहोरात्राभ्यामित्यहः - रात्राभ्याम् । खलु । वै । पर्जन्यः । वरुषति । मित्रावरुणाविति मित्रा - वरुणौ । एव । स्वेन । भागधेयेनेति भाग - धेयेन । उपेति । धावति । तौ । एव । अस्मै । अहोरात्राभ्यामित्यहः - रात्राभ्याम् । पर्जन्यम् । वरुषयतः । छन्दसाम् । वै । एषः

। रसः । यत् । वृशा । रसः । इव । खलु । वै । वृष्टिः । छन्दसाम् । एव । रसेन । 43

TS 2.1.7.4

रसम् । वृष्टिम् । अवेति । रुन्धे । मैत्रावरुणीमिति मैत्रा - वरुणीम् । द्विरूपामिति द्वि - रूपाम् । एति । लभेत । प्रजाकाम् इति प्रजा - कामः । मैत्रम् । वै । अहः । वारुणी । रात्रिः । अहोरात्राभ्यामित्यहः - रात्राभ्याम् । खलु । वै । प्रजा इति प्र - जाः । प्रेति । जायन्ते । मित्रावरुणाविति मित्रा-वरुणौ । एव । स्वेन । भागधेयेनेति भाग - धेयेन । उपेति । धावति । तौ । एव । अस्मै । अहोरात्राभ्यामित्यहः - रात्राभ्याम् । प्रजामिति प्र - जाम् । प्रेति । जनयतः । छन्दसाम् । वै । एषः । रसः । यत् । वृशा । रसः । इव । खलु । वै । प्रजेति प्र-जा । छन्दसाम् । एव । रसेन । रसम् । प्रजामिति प्र - जाम् । अवेति । 44

TS 2.1.7.5

रुन्धे । वैश्वदेवीमिति वैश्व - देवीम् । बहुरूपामिति बहु - रूपाम् । एति । लभेत । अन्नकाम् इत्यन्न - कामः । वैश्वदेवमिति वैश्व - देवम् । वै । अन्नम् । विश्वान् । एव । देवान् । स्वेन । भागधेयेनेति भाग - धेयेन । उपेति । धावति । ते । एव । अस्मै । अन्नम् । प्रेति । यच्छन्ति । अन्नाद इत्यन्न - अदः । एव । भवति । छन्दसाम् । वै । एषः । रसः । यत् । वृशा । रसः । इव । खलु । वै । अन्नम् । छन्दसाम् । एव । रसेन । रसम् । अन्नम् । अवेति । रुन्धे । वैश्वदेवीमिति वैश्व - देवीम् । बहुरूपामिति बहु - रूपाम् । एति । लभेत । ग्रामकाम् इति ग्राम - कामः । वैश्वदेवा इति वैश्व - देवाः । वै । 45

TS 2.1.7.6

सृजाता इति स - जाताः । विश्वान् । एव । देवान् । स्वेन । भागधेयेनेति भाग - धेयेन । उपेति । धावति । ते । एव । अस्मै । सृजातानिति स-जातान् । प्रेति । यच्छन्ति । ग्रामी । एव । भवति । छन्दसाम् । वै । एषः । रसः । यत् । वृशा । रसः ।

इ॒व । ख॒लु । वै । स॒जा॒ता इति॑ स - जा॒ताः । छ॒न्द॑साम् । ए॒व । र॒सेन॑ । र॒स॑म् ।
 स॒जा॒तानि॑ति स - जा॒तान् । अ॒वेति॑ । रु॒न्धे । बा॒रु॒ह॒स्प॒त्यम् । उ॒क्ष॒व॒श॒मित्यु॑क्ष - व॒शम् । ए॒ति॑
 । ल॒भेत् । ब्र॒ह्म॒व॒र्च॒स॒का॒म् इति॑ ब्रह्मवर्च॒स - का॒म् । बृ॒ह॒स्प॒ति॑म् । ए॒व । स्वे॒न । भा॒ग॒धे॒ये॒नेति॑
 भा॒ग - धे॒येन॑ । उ॒पेति॑ । धा॒व॒ति । सः । ए॒व । अ॒स्मि॒न् । ब्र॒ह्म॒व॒र्च॒स॒मि॒ति॑ ब्रह्म - व॒र्च॒सम् । 46

TS 2.1.7.7

द॒धा॒ति । ब्र॒ह्म॒व॒र्च॒सी॒ति॑ ब्रह्म - व॒र्च॒सी । ए॒व । भ॒व॒ति । व॒श॑म् । वै । ए॒षः । च॒र॒ति । यत् ।
 उ॒क्षा । व॒शः । इ॒व । ख॒लु । वै । ब्र॒ह्म॒व॒र्च॒स॒मि॒ति॑ ब्रह्म - व॒र्च॒सम् । व॒शेन॑ । ए॒व । व॒श॑म्
 । ब्र॒ह्म॒व॒र्च॒स॒मि॒ति॑ ब्रह्म - व॒र्च॒सम् । अ॒वेति॑ । रु॒न्धे । रौ॒द्री॑म् । रोहि॑णीम् । ए॒ति॑ । ल॒भेत् ।
 अ॒भि॒च॒र॒न्नि॒त्य॒भि॒च॒र॒न् । रु॒द्रम् । ए॒व । स्वे॒न । भा॒ग॒धे॒ये॒नेति॑ भा॒ग - धे॒येन॑ । उ॒पेति॑ । धा॒व॒ति
 । त॒स्मै । ए॒व । ए॒न॒म् । ए॒ति॑ । वृ॒श्च॒ति । ता॒जक् । आ॒र्ति॑म् । ए॒ति॑ । ऋ॒च्छ॒ति । रोहि॑णी
 । भ॒व॒ति । रौ॒द्री । हि । ए॒षा । दे॒व॒त॒या । स॒मृ॒द्ध्या॒ इति॑ सं - ऋ॒द्ध्यै । स्फ्यः॑ । यू॒पः () ।
 भ॒व॒ति । व॒ज्रः । वै । स्फ्यः॑ । व॒ज्र॑म् । ए॒व । अ॒स्मै । प्रे॒ति॑ । ह॒र॒ति । श॒र॒म॒य॒मि॒ति॑ श॒र - म॒य॒-
 "म् । ब॒रु॒हिः । शृ॒णा॒ति॑ । ए॒व । ए॒न॒म् । वैभी॑दकः । इ॒ध्मः । भि॒न॒ति॑ । ए॒व । ए॒न॒म् ॥ 47

(अ॒भि - ख॒लु - वृ॒ष्टिः छ॒न्द॑सामे॒व र॒सेन॑ - प्र॒जाम॑व - वै॒श्वदे॒वा वै - ब्र॒ह्म॒व॒र्च॒सं - यू॒प - ए॒-
 का॒न्न॒वि॒श्र॒तिश्च॑) (A7)

TS 2.1.8.1

अ॒सौ । आ॒दि॒त्यः । न । वी॒ति॑ । अ॒रो॒च॒त् । त॒स्मै । दे॒वाः । प्रा॒यश्चि॑त्तिम् । ऐ॒च्छ॒न् । त॒स्मै
 । ए॒ताम् । सौ॒री॑म् । श्वे॒ताम् । व॒शाम् । ए॒ति॑ । अ॒ल॒भ॒न्त । त॒या । ए॒व । अ॒स्मि॒न् । रु॒च॑म्
 । अ॒द॒धुः । यः । ब्र॒ह्म॒व॒र्च॒स॒का॒म् इति॑ ब्रह्मवर्च॒स - का॒म् । स्या॒त् । त॒स्मै । ए॒ताम् । सौ॒री॑म्
 । श्वे॒ताम् । व॒शाम् । ए॒ति॑ । ल॒भेत् । अ॒मुम् । ए॒व । आ॒दि॒त्यम् । स्वे॒न । भा॒ग॒धे॒ये॒नेति॑
 भा॒ग - धे॒येन॑ । उ॒पेति॑ । धा॒व॒ति । सः । ए॒व । अ॒स्मि॒न् । ब्र॒ह्म॒व॒र्च॒स॒मि॒ति॑ ब्रह्म - व॒र्च॒सम् ।

दुधाति । ब्रह्मवर्चसीति ब्रह्म - वर्चसी । एव । भवति । बैलुवः । यूपः । भवति । असौ । 48

TS 2.1.8.2

वै । आदित्यः । यतः । अजायत । ततः । बिल्वः । उदिति । अतिष्ठत् । सयोनीति स - योनि । एव । ब्रह्मवर्चसमिति ब्रह्म - वर्चसम् । अवेति । रुन्धे । ब्राह्मणस्पत्यामिति ब्राह्मणः - पत्याम् । बभ्रुकर्णीमिति बभ्रु - कर्णीम् । एति । लभेत् । अभिचरन्नित्यभि - चरन् । वारुणम् । दशकपालमिति दश - कपालम् । पुरस्तात् । निरिति । वपेत् । वरुणेन । एव । भ्रातृव्यम् । ग्राहयित्वा । ब्रह्मणा । स्तृणुते । बभ्रुकर्णीति बभ्रु - कर्णी । भवति । एतत् । वै । ब्रह्मणः । रूपम् । समृद्ध्या इति सं-ऋद्ध्यै । स्पयः । यूपः । भवति । वज्रः । वै । स्पयः । वज्रम् । एव । अस्मै । प्रेति । हरति । शरमयमिति शर - मयम् । बरुहिः । शृणाति । 49

TS 2.1.8.3

एव । एनम् । वैभीदकः । इद्धम् । भिनत्ति । एव । एनम् । वैष्णवम् । वामनम् । एति । लभेत् । यम् । यज्ञः । न । उपनमेदित्युप-नमेत् । विष्णुः । वै । यज्ञः । विष्णुम् । एव । स्वेन । भागधेयेनेति भाग - धेयेन । उपेति । धावति । सः । एव । अस्मै । यज्ञम् । प्रेति । यच्छति । उपेति । एनम् । यज्ञः । नमति । वामनः । भवति । वैष्णवः । हि । एषः । देवतया । समृद्ध्या इति सं - ऋद्ध्यै । त्वाष्ट्रम् । वडबम् । एति । लभेत् । पशुकाम इति पशु - कामः । त्वष्टा । वै । पशूनाम् । मिथुनानाम् । 50

TS 2.1.8.4

प्रजनयितेति प्र - जनयिता । त्वष्टारम् । एव । स्वेन । भागधेयेनेति भाग - धेयेन । उपेति । धावति । सः । एव । अस्मै । पशून् । मिथुनान् । प्रेति । जनयति । प्रजेति प्र - जा । हि । वै । एतस्मिन् । पशवः । प्रविष्टा इति प्र - विष्टाः । अथ । एषः । पुमान् । सन् । वडबः । साक्षादिति स - अक्षात् । एव । प्रजामिति प्र - जाम् । पशून् । अवेति । रुन्धे ।

मैत्रम् । श्वेतम् । एति । लभेत् । सुङ्गाम इति सं - ग्रामे । सँयत्त इति सं - यत्ते । समयकाम्
इति समय - कामः । मित्रम् । एव । स्वेन । भागधेयेनेति भाग - धेयेन । उपेति । धावति
। सः । एव । एनम् । मित्रेण । समिति । नयति । 51

TS 2.1.8.5

विशाल इति वि - शालः । भवति । व्यवसाययतीति वि - अवसाययति । एव । एनम् ।
प्राजापत्यमिति प्राजा - पत्यम् । कृष्णम् । एति । लभेत् । वृष्टिकाम् इति वृष्टि - कामः ।
प्रजापतिरिति प्राजा - पतिः । वै । वृष्ट्याः । ईशे । प्राजापतिमिति प्राजा - पतिम् । एव ।
स्वेन । भागधेयेनेति भाग-धेयेन । उपेति । धावति । सः । एव । अस्मै । पर्जन्यम् ।
वरुषयति । कृष्णः । भवति । एतत् । वै । वृष्ट्यै । रूपम् । रूपेण । एव । वृष्टिम्
। अवेति । रुन्धे । शबलः । भवति । विद्युतमिति वि - द्युतम् । एव । अस्मै । जनयि-
त्वा । वरुषयत् । अवाशृङ्गः । भवति । वृष्टिम् । एव । अस्मै । नीति । यच्छति () ॥ 52

(असौ - शृणाति - मिथुनानां - नयति - यच्छति) (A8)

TS 2.1.9.1

वरुणम् । सुषुवाणम् । अन्नाद्यमित्यन्न - अद्यम् । न । उपेति । अनमत् । सः । एताम् ।
वारुणीम् । कृष्णाम् । वशाम् । अपश्यत् । ताम् । स्वायै । देवतायै । एति । अलभत्
। ततः । वै । तम् । अन्नाद्यमित्यन्न - अद्यम् । उपेति । अनमत् । यम् । अलम् ।
अन्नाद्यायेत्यन्न - अद्याय । सन्तम् । अन्नाद्यमित्यन्न - अद्यम् । न । उपनमेदित्युप-नमेत् ।
सः । एताम् । वारुणीम् । कृष्णाम् । वशाम् । एति । लभेत् । वरुणम् । एव । स्वेन
। भागधेयेनेति भाग - धेयेन । उपेति । धावति । सः । एव । अस्मै । अन्नम् । प्रेति ।
यच्छति । अन्नाद इत्यन्न - अदः । 53

TS 2.1.9.2

ए॒व । भ॒वति॑ । कृ॒ष्णा । भ॒वति॑ । वा॒रु॒णी । हि । ए॒षा । दे॒वत॑या । स॒मृद्ध्या॑ इति॒ सं -
 ऋ॒द्ध्यै । मै॒त्रम् । श्वे॒तम् । ए॒ति । ल॒भेत् । वा॒रु॒णम् । कृ॒ष्णम् । अ॒पाम् । च । ओष॑धीनाम्
 । च । स॒धांवि॑ति॒ सं - धौ । अ॒न्न॑काम् इत्य॒न्न - का॒म् । मै॒त्रीः । वै । ओष॑धयः । वा॒रु॒णीः
 । आ॒पः । अ॒पाम् । च । ख॒लु । वै । ओष॑धीनाम् । च । र॒सम् । उ॒पेति॑ । जी॒वाम् ।
 मि॒त्रावरु॑णा॒वि॒ति॒ मि॒त्रा - वरु॑णौ । ए॒व । स्वे॒न । भा॒ग॒धेये॑नेति॒ भाग॑ - धेये॒न । उ॒पेति॑ । धा॒वति॑ ।
 तौ । ए॒व । अ॒स्मै । अ॒न्नम् । प्रे॒ति । य॒च्छतुः॑ । अ॒न्ना॒द इत्य॑न्न - अ॒दः । ए॒व । भ॒वति॑ । 54

TS 2.1.9.3

अ॒पाम् । च । ओष॑धीनाम् । च । स॒धांवि॑ति॒ सं-धौ । ए॒ति । ल॒भेत् । उ॒भय॑स्य । अ॒वरु॑द्ध्या
 इत्य॒व - रु॒द्ध्यै । वि॒शाख॑ इति॒ वि-शा॑खः । यू॒पः । भ॒वति॑ । द्वे इति॑ । हि । ए॒ते इति॑ ।
 दे॒वते॑ इति॑ । स॒मृद्ध्या॑ इति॒ सं - ऋ॒द्ध्यै । मै॒त्रम् । श्वे॒तम् । ए॒ति । ल॒भेत् । वा॒रु॒णम् ।
 कृ॒ष्णम् । ज्यो॒गा॒मया॑वीति॒ ज्योक् - आ॒मया॑वी । यत् । मै॒त्रः । भ॒वति॑ । मि॒त्रेण॑ । ए॒व ।
 अ॒स्मै । वरु॑णम् । श॒मय॑ति । यत् । वा॒रु॒णः । सा॒क्षादि॑ति॒ स - अ॒क्षात् । ए॒व । ए॒नम् ।
 वरु॑ण॒पाशा॑दि॒ति॒ वरु॑ण - पा॒शात् । मु॒ञ्चति॑ । उ॒त । य॒दि । इ॒तासुरि॑ती॒त-अ॒सुः । भ॒वति॑ ।
 जी॒वति॑ । ए॒व । दे॒वाः । वै । पु॒ष्टिम् । न । अ॒वि॒न्दुन् । 55

TS 2.1.9.4

ताम् । मि॒थु॒ने । अ॒पश्य॑न् । तस्या॑म् । न । स॒मिति॑ । अ॒रा॒धय॑न् । तौ । अ॒श्विनौ॑ । अ॒ब्रूता॑म्
 । आ॒वयोः॑ । वै । ए॒षा । मा । ए॒तस्या॑म् । व॒द॒द्धम् । इति॑ । सा । अ॒श्विनोः॑ । ए॒व । अ॒भव॑त्
 । यः । पु॒ष्टि॒काम् इति॑ पु॒ष्टि - का॒म् । स्यात् । सः । ए॒ताम् । आ॒श्विनी॑म् । य॒मीम् । व॒शाम् ।
 ए॒ति । ल॒भेत् । अ॒श्विनौ॑ । ए॒व । स्वे॒न । भा॒ग॒धेये॑नेति॒ भाग॑ - धेये॒न । उ॒पेति॑ । धा॒वति॑ । तौ ।
 ए॒व । अ॒स्मिन् । पु॒ष्टिम् । ध॒त्तुः । पु॒ष्यंति॑ । प्र॒जये॑ति॒ प्र - जया॑ । प॒शुभि॑रिति॒ पशु॑ - भिः ॥ 56

(अ॒न्ना॒दो - ऽन्ना॒द ए॒व भ॑वत्य - वि॒न्दुन् - पञ्च॑चत्वारि॒ंशच्च) (A9)

TS 2.1.10.1

आ॒श्विनम् । धूम्र॑ल॒लाम॒मिति॑ धूम्र - ल॒लाम॒म् । एति॑ । ल॒भेत् । यः । दु॒र्ब्रा॑ह्म॒ण इति॑ दुः -
 ब्रा॒ह्म॒णः । सोम॑म् । पिपा॑सेत् । अ॒श्विनौ । वै । दे॒वाना॑म् । अ॒सोम॑पा॒वित्य॑सोम - पौ ।
 आ॒स्ताम् । तौ । प॒श्वा । सोम॑पी॒थमिति॑ सोम - पी॒थम् । प्रेति॑ । आ॒प्नुता॑म् । अ॒श्विनौ । ए॒तस्य॑
 । दे॒वता॑ । यः । दु॒र्ब्रा॑ह्म॒ण इति॑ दुः- ब्रा॒ह्म॒णः । सोम॑म् । पिपा॑सति । अ॒श्विनौ । ए॒व ।
 स्वेन॑ । भा॒ग॒धेये॑नेति॑ भाग - धेये॑न । उ॒पेति॑ । धा॒वति॑ । तौ । ए॒व । अ॒स्मै । सोम॑पी॒थमिति॑
 सोम॑-पी॒थम् । प्रेति॑ । य॒च्छ॒तः । उ॒पेति॑ । ए॒नम् । सोम॑पी॒थ इति॑ सोम - पी॒थः । न॒म॒-
 ति॑ । यत् । धूम्रः । भव॑ति । धूम्रि॑माणम् । ए॒व । अ॒स्मात् । अ॒पेति॑ । ह॒न्ति । ल॒लामः॑ । 57

TS 2.1.10.2

भ॒वति॑ । मु॒खतः॑ । ए॒व । अ॒स्मिन् । तेजः॑ । दु॒धाति॑ । वा॒य॒व्यम् । गो॒मृ॒गमिति॑ गो - मृ॒गम्
 । एति॑ । ल॒भेत् । यम् । अ॒ज॒घ्नि॒वा॒सम् । अ॒भि॒श॒से॒युरि॒त्य॑भि - श॒से॒युः । अ॒पू॒ता । वै ।
 ए॒तम् । वाक् । ऋ॒च्छ॒ति । यम् । अ॒ज॒घ्नि॒वा॒सम् । अ॒भि॒श॒स॒न्ती॒त्य॑भि - श॒स॒न्ति । न ।
 ए॒षः । ग्रा॒म्यः । प॒शुः । न । आ॒र॒ण्यः । यत् । गो॒मृ॒ग इति॑ गो - मृ॒गः । न । इ॒व ।
 ए॒षः । ग्रा॒मे । न । अ॒रण्ये॑ । यम् । अ॒ज॒घ्नि॒वा॒सम् । अ॒भि॒श॒स॒न्ती॒त्य॑भि-श॒स॒न्ति । वा॒युः
 । वै । दे॒वाना॑म् । प॒वि॒त्रम् । वा॒युम् । ए॒व । स्वेन॑ । भा॒ग॒धेये॑नेति॑ भाग-धेये॑न । उ॒पेति॑ ।
 धा॒वति॑ । सः । ए॒व । 58

TS 2.1.10.3

ए॒नम् । प॒व॒यति॑ । प॒रा॒ची । वै । ए॒तस्मै॑ । व्यु॒च्छ॒न्तीति॑ वि-उ॒च्छ॒न्ती॑ । वीति॑ । उ॒च्छ॒ति ।
 तमः॑ । पा॒प्मान॑म् । प्रेति॑ । वि॒शति॑ । यस्य॑ । आ॒श्वि॒ने । श॒स्य॑मा॒ने । सूर्यः॑ । न । आ॒विः
 । भव॑ति । सौ॒र्यम् । ब॒हुरू॒पमिति॑ बहु - रू॒पम् । एति॑ । ल॒भेत् । अ॒मुम् । ए॒व । आ॒दि॒त्यम्
 । स्वेन॑ । भा॒ग॒धेये॑नेति॑ भाग - धेये॑न । उ॒पेति॑ । धा॒वति॑ । सः । ए॒व । अ॒स्मात् । तमः॑

। पाप्मानम् । अपेति । हन्ति । प्रतीची । अस्मै । व्युच्छन्तीति वि - उच्छन्ती । वीति ।
उच्छति । अपेति । तमः । पाप्मानम् । हुते ॥ 59

(ललामः - स एव - षट्त्वारिंशच्च) (A10)

TS 2.1.11.1

इन्द्रम् । वः । विश्वतः । परीति । इन्द्रम् । नरः । मरुतः । यत् । ह । वः । दिवः । या ।
वः । शर्म ॥ भरेषु । इन्द्रम् । सुहवमिति सु - हवम् । हवामहे । अहोमुचमित्यहः - मुचम्
। सुकृतमिति सु - कृतम् । दैव्यम् । जनम् ॥ अग्निम् । मित्रम् । वरुणम् । सातये । भगम्
। द्यावापृथिवी इति द्यावा - पृथिवी । मरुतः । स्वस्तये ॥ ममत्तु । नः । परिज्मेति परि-ज्मा ।
वसुहा । ममत्तु । वातः । अपाम् । वृषण्वानिति वृषण - वान् ॥ शिशीतम् । इन्द्रापूर्वतेतीन्द्रा -
पूर्वता । युवम् । नः । तत् । नः । विश्वे । वरिवस्यन्तु । देवाः ॥ प्रिया । वः । नाम ॥ 60

TS 2.1.11.2

हुवे । तुराणाम् ॥ एति । यत् । तृपत् । मरुतः । वावशानाः ॥ श्रियसै । कम् ।
भानुभिरिति भानु-भिः । समिति । मिमिक्षिरे । ते । रश्मिभिरिति रश्मि - भिः । ते ।
ऋक्भिरित्यृक् - भिः । सुखादय इति सु - खादयः ॥ ते । वाशीमन्तु इति वाशि - मन्तुः
। इष्मिणः । अभीरवः । विद्रे । प्रियस्य । मारुतस्य । धाम्नः ॥ अग्निः । प्रथमः ।
वसुभिरिति वसु-भिः । नः । अव्यात् । सोमः । रुद्रेभिः । अभीति । रक्षतु । त्मना ॥
इन्द्रः । मरुद्भिरिति मरुत् - भिः । ऋतुधेत्यृतु - धा । कृणोतु । आदित्यैः । नः । वरुणः ।
समिति । शिशानु ॥ समिति । नः । देवः । वसुभिरिति वसु - भिः । अग्निः । समिति । 61

TS 2.1.11.3

सोमः । तनूभिः । रुद्रियाभिः ॥ समिति । इन्द्रः । मरुद्भिरिति मरुत् - भिः । यज्ञियैः ।

समितिं । आदित्यैः । नः । वरुणः । अजिज्ञिपत् ॥ यथा । आदित्याः । वसुभिरिति वसु - भिः । सम्बभूवुरिति सं - बभूवुः । मरुद्भिरिति मरुत् - भिः । रुद्राः । समजानतेति सं - अजानत् । अभि ॥ एवा । त्रिणामन्निति त्रि - नामन् । अहणीयमानाः । विश्वे । देवाः । समनस इति स - मनसः । भवन्तु ॥ कुत्र । चित् । यस्य । समताविति सं-क्रुतौ । रुणाः । नरः । नृषदन् इति नृ-सदने ॥ अरुहन्तः । चित् । यम् । इन्धते । सञ्जनयन्तीति सं - जनयन्ति । जन्तवः ॥ समिति । यत् । इषः । वनामहे । समिति । हव्या । मानुषाणाम् ॥ उत । द्युमस्य । शवसः । 62

TS 2.1.11.4

ऋतस्य । रश्मिम् । एति । दुद्रे ॥ यज्ञः । देवानाम् । प्रतीति । एति । सुमम् । आदित्यासः । भवन्त । मृडयन्तः ॥ एति । वः । अर्वाची । सुमतिरिति सु - मतिः । ववृत्यात् । अहोः । चित् । या । वरिवोवित्तरेति वरिवोवित् - तरा । असत् ॥ शुचिः । अपः । सूयवसा इति सु - यवसाः । अदब्धः । उपेति । क्षेति । वृद्धवया इति वृद्ध - वयाः । सुवीर इति सु - वीरः ॥ नकिः । तम् । घ्नन्ति । अन्तितः । न । दूरात् । यः । आदित्यानाम् । भवन्ति । प्रणीतविति प्र - नीतौ ॥ धारयन्तः । आदित्यासः । जगत् । स्थाः । देवाः । विश्वस्य । भुवनस्य । गोपा इति गो-पाः ॥ दीर्घाधिय इति दीर्घ - धियः । रक्षमाणाः । 63

TS 2.1.11.5

असुर्यम् । ऋतावान् इत्यृत - वान् । चयमानाः । ऋणानि ॥ तिस्रः । भूमीः । धार- यन् । त्रीन् । उत । द्यून् । त्रीणि । व्रता । विदथे । अन्तः । एषाम् ॥ ऋतेन । आदित्याः । महि । वः । महित्वमिति महि - त्वम् । तत् । अर्यमन् । वरुण । मित्र । चारु ॥ त्यान् । नु । क्षत्रियान् । अवः । आदित्यान् । याचिषामहे ॥ सुमृडीकानि- ति सु - मृडीकान् । अभिष्टये ॥ न । दक्षिणा । वीति । चिकित्ते । न । सव्या । न । प्राचीनम् । आदित्याः । न । उत । पश्चा ॥ पाक्या । चित् । वसवः । धीर्या । चित् । 64

TS 2.1.11.6

युष्मानीतः । अभयम् । ज्योतिः । अश्याम् ॥ आदित्यानाम् । अवसा । नूतनेन । सक्षीमहि
 । शर्मणा । शन्तमेनेति शं - तमेन ॥ अनागास्त्व इत्यनागाः-त्वे । अदितित्व इत्यदिति - त्वे
 । तुरासः । इमम् । यश्म् । दुधुतु । श्रोषमाणाः ॥ इमम् । मे । वरुण । श्रुध । हवम् ।
 अद्य । च । मृडय ॥ त्वाम् । अवस्युः । एति । चके ॥ तत् । त्वा । यामि । ब्रह्मणा ।
 वन्दमानः । तत् । एति । शास्ते । यजमानः । हविर्भिरिति हविः - भिः ॥ अहेडमानः ।
 वरुण । इह । बोधि । उरुशस्सेत्युरु - शस्स । मा । नः । आयुः । प्रेति । मोषीः ॥ 65

(नामा - ऽग्निः स२ - शवसो - रक्षमाणा - धीर्या चिदे - कान्न पञ्चाशच्च) (A11)

praSna korvai with starting padams of 1 to 11 Anuvaakams :-

(वायव्यं - प्राजपतिस्ता वरुणं - देवासुरा एष्वं - सावादित्यो दशरूषभा-मिन्द्रो वलस्यं - बारूहस्पत्यं
 - वषट्कारो - ऽसौसौरीं - वरुण - माश्विन - मिन्द्रं वो नर - एकादश)

korvai with starting padams of 1, 11, 21 series of pa jcAtis :-

(वायव्यं - माग्नेयीं कृष्णग्रीवी - मसावादित्यो - वा अहोरात्राणि - वषट्कारः - प्रजनयिता - हुवे
 तुराणां - पञ्चषष्टिः)

first and last padam of first praSnam of kANDam 2 :-

(वायव्यं - प्रमोषीः)

॥ हरिः ॐ ॥ ॥ कृष्ण यजुर्वेदीय तैत्तिरीय संहितायां द्वितीयकाण्डे प्रथमः प्रश्नः समाप्तः ॥

2.1.1 Appendix

2.1.11.1- इन्द्र॑ वो विश्व॑त॒स्परी > 1,

इन्द्र॑ वो विश्व॑त॒स्परी हवा॑महे जने॑भ्यः ।

अ॒स्माक॑मस्तु के॒वलः ॥ (appearing in TS 1.6.12.1)

2.1.11.1- न्द्रं नरो॑ > 2,

इन्द्रं॑ नरो॑ नेम॑धि॒ता हव॑न्ते यत्पा॑र्या यु॒नज॑न्ते धि॒यस्ताः ।

शूरो॑ नृषा॑ता श॒वस॑श्चका॒न आ गोम॑ति व्रजे भ॑जा त्व॒न्नः ॥

(अप्पेअरिन्ग् इन्द्र 1.6.12.1)

2.1.11.1 - मरु॑तो यद्ध॑ वो दि॒वो > 3,

मरु॑तो यद्ध॑ वो दि॒वः सु॑म्ना यन्तो हवा॑महे ।

आ तू न॒ उप॑ गन्त॒न ॥ (appearing in TS 1.5.11.4)

2.1.11.1 - या वः॑ शर्म॑ > 4

या वः॑ शर्म॑ श॒शमा॑नाय॒ सन्ति॑ त्रि॒धातू॑नि द॒शुषे॑ यच्छ॒ताधि॑ ।

अ॒स्मभ्यं॑ ता॒नि मरु॑तो वि य॑न्त॒ रयि॑ नो ध॒त्त वृ॑षणः सु॒वीरं॑ ॥

(appearing in TS 1.5.11.5)